

"মিষ্টি বাচ্চারা -- বাবা স্বর্গের ভিত স্থাপন করছেন, তোমরা বাচ্চারা তাঁর সাহায্যকারী হয়ে নিজেদের ভাগ জমা করো, ঈশ্বরীয় মতে চলে শ্রেষ্ঠ প্রালব্ধ বানাও ।"

প্রশ্ন :- বাপদাদা কোন্ বাচ্চাদের সর্বদা খোঁজ করেন ?

উত্তর :- যে বাচ্চারা খুব মিষ্টি স্বভাবের সেবাপরায়ণ হয় । বাবা এমন বাচ্চাদেরই খোঁজ করেন । সেবাপরায়ণ বাচ্চারাই বাবার নাম উচ্ছল করবে । যত বাবার সাহায্যকারী, আশ্রয়কারী বা বিশ্বাসী হবে, ততই সে বর্ষা বা সম্পত্তির অধিকারী হতে পারবে ।

গীত :- ওম্ নমঃ শিবায়

ওম্ শান্তি । "ওম্" এর অর্থ কে বলেছেন ? বাবা বলেছেন । যখন বাবা বলা হয়, তখন তাঁর নাম অবশ্যই চাই । সাকার বা নিরাকার, যাই হোক না কেন, নাম তো অবশ্যই চাই । আর যে আত্মারা থাকে তাদের কোনো নাম হয় না । আত্মা যখন জীব আত্মা হয় তখন তার শরীরের নাম হয় । ব্রহ্মা দেবতা নমঃ বলা হয়, বিষ্ণুকেও দেবতা বলা হয়, কেননা তারা আকারী, তাই আকারী শরীরের নাম হয় । নাম সবসময় শরীরের হয় । নিরাকার পরমপিতা কেবল একজনই, যাঁর নাম শিব । একজন আত্মারই এই নাম, বাকি সব দেহের নাম হয় । শরীর ত্যাগ করলেই নামও বদল হয়ে যায় । পরমাত্মার নাম কিন্তু একই থাকে, তার কখনো বদল হয় না । এর থেকে সিদ্ধ হয়, তিনি কখনোই জন্ম - মরণে আসেন না । যদি নিজে জন্ম - মরণে আসেন, তাহলে অন্যদের জন্ম - মরণ থেকে কিভাবে মুক্ত করবেন । অমরলোকে কখনোই জন্ম - মরণ বলা হয় না । সেখানে তো খুবই সহজে এক শরীর ছেড়ে অন্য শরীর ধারণ করে । মৃত্যু তো এখানেই । সত্যযুগে এমন বলা হবে না যে, অমুকে মারা গেছেন । মৃত্যু শব্দ হলো দুঃখের । ওখানে তো পুরোনো শরীর ছেড়ে কিশোর অবস্থার অন্য শরীর গ্রহণ করে । সেখানে সবাই এর খুশী পালন করে । এই পুরোনো দুনিয়ায় কত মানুষ, সবই শেষ হয়ে যাবে । দেখানো হয় যে যাদব আর কৌরবদের মধ্যে লড়াই হয়ে সব শেষ হয়ে গিয়েছিলো । তাতে কি পাণ্ডবদের কোনো দুঃখ হয়েছিলো ? না, পাণ্ডবদের তো রাজ্য স্থাপন হয়েছিলো । এইসময় তোমরাই ব্রহ্মা বংশী ব্রাহ্মণ, ব্রহ্মাকুমার আর কুমারী । ব্রহ্মার যখন এত সন্তান তখন তিনি অবশ্যই প্রজাপিতা হবেন । ব্রহ্মা - বিষ্ণু আর শংকরের বাবাও হলেন শিব । তাঁকেই ভগবান বলা হয় । এই সময় তোমরা জানো যে তোমরা হলে ঈশ্বরীয় কুলের । আমরা বাবার সাথে বাবার ঘর নির্বাণধামে যাবো । বাবা এখন এসেছেন, তাঁকে সাজনও বলা হয় । কিন্তু সঠিক সম্বন্ধে তিনি বাবা, কেননা বর্ষা বা সম্পত্তি সজনীরা পায় না । বর্ষা বা সম্পত্তি যখন বাচ্চারা পায় তখন বাবা বলাই ঠিক । বাবাকে ভুলে যাওয়ার ফলেই মানুষ নাস্তিক হয়ে গেছে । কৃষ্ণের চরিত্রের গায়নও আছে । কিন্তু কৃষ্ণের তো আলাদা কোনো চরিত্র ছিল না । ভগবানের মধ্যে কৃষ্ণের চরিত্র আছে, আসলে চরিত্র হওয়া উচিত শিববাবার । ইনিই বাবা, শিক্ষক এবং সঙ্গী, এতে আলাদা চরিত্রের কি আর কথা । কৃষ্ণের এমন ধরনের স্বভাব হয় না । তিনি তো বাচ্চা । যেমন ছোটো বাচ্চারা থাকে । বাচ্চারা সবসময় চঞ্চল তাই সবার প্রিয় হয় । কৃষ্ণের জন্য দেখানো হয়, সে মাটির হাঁড়ি ভেঙেছিলো, এমন তো কিছুই হয় নি । শিববাবার স্বভাব কি ? সে তো তোমরা জানতেই পেরেছো, তিনি সকলকে পড়িয়ে পতিত থেকে পবিত্র করেন । বলা হয় ভক্তিমার্গে আমি তোমাদের ভাবনা পূরণ করে থাকি ।

বাকি এখানে তো আমি পড়িয়ে থাকি। এই সময় যারা আমার সন্তান তারাই আমাকে স্মরণ করে। আর সকলকে ভুলে এক বাবাকে স্মরণ করার প্রযত্ন করে। এমন নয় যে আমি সর্বব্যাপী। যে আমাকে স্মরণ করে আমিও তাকে স্মরণ করে থাকি। সে তো বাচ্চাদেরই স্মরণ করবে। মুখ্য বিষয় তো এক। বাহাদুর তখনই বলা হবে যখন কোনো বড় মানুষকে বোঝাতে পারবে। সমস্ত কিছুই এই গীতার ওপর। গীতা হলো নিরাকার পরমপিতা পরমাত্মার গায়ন, মানুষের নয়। ভগবানকে রুদ্রও বলা হয়। কৃষ্ণকে কিন্তু রুদ্র বলা হয় না। এই রুদ্র জ্ঞান যজ্ঞ থেকেই বিনাশ জ্বালা প্রজ্জ্বলিত হয়েছিলো।

কিছু মানুষ পরমাত্মাকে মালিক বলে স্মরণ করে থাকে। তারা বলে ওই মালিকের কোনো নাম নেই। আচ্ছা, ওই মালিক কোথায় থাকেন? তিনি কি এই বিশ্বের বা সারা সৃষ্টির মালিক? পরমপিতা পরমাত্মা তো সৃষ্টির মালিক হন না, এই সৃষ্টির মালিক তো দেবী - দেবতারাই হন। পরমপিতা পরমাত্মা তো সম্পূর্ণ ব্রহ্মাণ্ডের মালিক। ব্রহ্ম তত্ত্ব যেমন বাবার ঘর তেমনই বাচ্চাদেরও ঘর। ব্রহ্মাণ্ড হলো বাবার ঘর, যেখানে আত্মাদের ডিম্বাকৃতি রূপে দেখানো হয়। এমন কিছু হয় না। আমরা আত্মারা জ্যোতির্বিন্দু রূপে সেখানে নিবাস করি, তারপর ব্রহ্মাণ্ড থেকে নীচে আসি অভিনয় করার জন্য, আমরা এক এক করে পরপর আসতে থাকি। তখন এই ঝাড় বৃদ্ধি পেতে থাকে। বাবা হলেন বীজরূপ, এই ভিত্তি দেবী দেবতাদেরই বলা বা ব্রাহ্মণদেরই বলা। ব্রাহ্মণরা বীজ তৈরী করে। ব্রাহ্মণরাই আবার দেবতা হয়ে রাজত্ব করে। এখন আমাদের দ্বারা শিববাবা ভিত্তিপ্রস্তর স্থাপন করছেন। স্বর্গরাজ্যের ভিত্তি তিনি স্থাপন করছেন। যে যত সাহায্যকারী হতে পারবে সে তত তার ভাগ পেতে পারবে। না হলে সূর্যবংশী সাম্রাজ্য কেমন করে হবে। এখন তোমরা সেই উচ্চ প্রালঙ্ক তৈরী করছো। প্রতিটা মানুষই পুরুষার্থের দ্বারাই তাদের প্রালঙ্ক তৈরী করে। এই প্রালঙ্ক বানানোর জন্য ভালো কাজ করতে হয়। দান পুণ্য করা বা ধর্মশালা ইত্যাদি বানানো। এইগুলো সবাই ভগবানের উদ্দেশ্যেই করে থাকে কারণ এর ফল তিনিই দিয়ে থাকেন। তোমরা এখন বাবার শ্রীমতে চলে পুরুষার্থ করছো। বাকি সারা দুনিয়া মানুষ মতে চলে পুরুষার্থ করছে। সেই মতও হলো আসুরী মত। ঈশ্বরীয় মতের পর হয় দেবতাদের মত, তারপর হয় আসুরী মত। এখন তোমরা বাচ্চারা ঈশ্বরীয় মত পাচ্ছো। বাবা, মাঝাও তাঁর মতে চলে শ্রেষ্ঠ হন। কোনো মানুষ দেবতাদের মতো শ্রেষ্ঠ হতে পারে না। দেবতাদের কে শ্রেষ্ঠ বানায়? এখানে তো কেউই শ্রেষ্ঠ নেই। শ্রী শ্রী হলেন একজনই, তিনিই উঁচুর থেকে উঁচু বাবা, শিক্ষক এবং সঙ্গুরু। তিনিই লক্ষ্মী - নারায়ণ বানান। যদিও রামকেও বলা হয় শ্রীরাম, শ্রীসীতা। কিন্তু তাঁদের পিছনে ক্ষত্রিয় আর চন্দ্রবংশী যোগ হয়। লক্ষ্মী - নারায়ণ হলেন ১৬ কলা সম্পূর্ণ সূর্যবংশী দেবতা কুলের, আর রাম - সীতা হলেন ১৪ কলা চন্দ্রবংশী। দুই কলা কম হলো তাই না? তা তো অবশ্যই হতে হবে। মানুষ এইকথা জানে না যে সারা সৃষ্টির নামার কলা হয়। ১৬ কলা থেকে ১৪ কলা তো নামলোই, তাই না? এই সময় সম্পূর্ণ অবনমনের সময়। এ হলো রাবণ সম্প্রদায়। রাবণ রাজ্য তাই না? রাবণের মতকে আসুরী মত বলা হয়। এখানে সবাই পতিত। এই পতিত দুনিয়ায় কেউই পবিত্র হতে পারে না। ভারতবাসী যারা পবিত্র ছিলো তারাই এখন পতিত হয়েছে, তাদেরই আমি এসে আবার পবিত্র বানাই। কৃষ্ণকে পতিত - পাবন বলা হয় না। এ কোনো চরিত্র বা স্বভাবের কথা নয়। পতিত - পাবন একমাত্র পরমাত্মাকেই বলা হবে। পরে সবাই বলবে আহা প্রভু আপনার মতি গতি পৃথক। আপনার এই রচনা সম্বন্ধে কেউই কিছু জানে না। সে তো এখন তোমরা জেনেই গেছো। এই জ্ঞান হলো সম্পূর্ণ নতুন। নতুন জিনিস যখন বেরোয়, প্রথমে অল্প থাকে, ধীরে ধীরে বাড়তে থাকে। তোমরাও প্রথমে এক কোণে পড়ে ছিলে। এখন দেশ

দেশান্তরে বৃদ্ধি পেতে থাকবে । রাজধানী অবশ্যই স্থাপন হবে । মূল বিষয় এটাই সিদ্ধ করতে হবে যে গীতার ভগবান শ্রীকৃষ্ণ নন । বর্সা বা সম্পত্তি তো বাবা দেবেন, কৃষ্ণ নন । লক্ষ্মী - নারায়ণও তাঁর সন্তানদের সম্পত্তির উত্তরাধিকার দেয় । এও এখানকার পুরুষার্থের প্রালঙ্ঘন মিলে থাকে । সত্য আর ত্রেতায় হলো বেহদের বর্সা বা সম্পত্তি । গোল্ডেন আর সিলভার জুবিলী পালন করে তারা । এখানে তো একদিন পালন করা হয় । আমরা তো ১২৫০ বছর ধরে গোল্ডেন জুবিলী পালন করি । খুশীতে পালন করি তাই না । আমরা প্রাচুর্যে ভরপুর হয়ে যাই । তাই মনে এই খুশী থাকে । এমন নয় যে বাইরে বাতি জ্বালিয়ে খুশী পালন করে । স্বর্গে আমরা অনেক সম্পত্তিবান এবং খুব খুশী থাকি । দেবতা ধর্মের মতো খুশী আর কেউই হয় না । সিলভার জুবিলী আদিকেও সম্পূর্ণ বুঝতে পারে না । এখন তোমরা অর্ধেক কল্পের জন্য জুবিলী পালন করার জন্য বাবার থেকে বর্সা বা সম্পত্তি পাচ্ছে । তাই মুখ্য এই বিষয় বুঝতে হবে যে গীতার ভগবান হলেন শিব । তিনিই রাজযোগ শিখিয়েছিলেন, আবার এখন তা শেখাচ্ছেন । তখনই শেখান যখন রাজত্ব থাকে না । যখন প্রজার উপর প্রজার রাজত্ব থাকে । তারা একে অন্যের ইচ্ছা নষ্ট করতে দেবী করে না । তোমরা বাচ্চারা তাঁর মতে চললে সুখধামের মালিক হতে পারবে । এমন অনেকেই আছে যারা জ্ঞান সম্পূর্ণ ধারণ করতে পারে না কিন্তু সেন্টারে আসে । তাদের মনে মনে চলতে থাকে যে একটা সন্তানের জন্ম দিই । মায়ার প্রলোভন এমনই হয় যে তারা মনে করে বিয়ে করে এক সন্তান সুখ নিই । আরে , এর কোনো গ্যারান্টি আছে কি যে বাচ্চা সুখই দেবে ? দু চার বছর পরে সন্তান মারা গেলে আরো দুঃখ পাবে । আজ সন্তানের জন্য আনন্দ করে কাল আবার সন্তান মারা গেলে দুঃখে জর্জরিত হয় । এ হলো দুঃখধাম । দেখো, খাবারও সবাই কি ধরনের খায় । তাই বাবা বোঝান যে, বাচ্চারা এমন আশা রেখো না । মায়া তোমাদের অনেক ঝড়ের মধ্যে নিয়ে আসবে । ঝট করে বিকারে ফেলে দেবে । তারপর এখানে আসতে খুব লজ্জা আসবে । সবাই বলবে কুলকে কলঙ্কিত করেছে, তাহলে সম্পত্তির অধিকার কি করে নেবে । বাবা - মাম্মা যখন বলো তখন তোমরা ব্রহ্মাকুমার - কুমারীরা নিজেদের মধ্যে ভাই - বোন হলে । এরপর বিকারে পড়লে , কুলও কলঙ্কিত করবে আর শতগুণ বেশী সাজা ভোগ করবে আর পদও ব্রষ্ট হয়ে যাবে । কেউ কেউ বিকারে গিয়ে বলেও না ফলে অনেক দণ্ডের ভাগী হয়ে যায় । ধর্মরাজ বাবা তো কাউকেই ছাড়ে না । দুনিয়ার মানুষ তো সাজা খাওয়ার জন্য জেল ভোগ করে । কিন্তু এখানের জন্য অনেক বড় সাজা । এমন অনেকেই সেন্টারে আসে । বাবা বোঝান যে এমন কাজ করো না । তোমরা বলো যে আমরা ঈশ্বরের সন্তান, তারপর আবার বিকারে যাওয়া, এ তো নিজের সর্বনাশ করা । কোনো ভুল হলেই চট করে বাবাকে বলে দাও । বিকার ছাড়া থাকতে যদি না পারো, তাহলে এখানে না আসাই ভালো । না হলে বায়ুমন্ডল খারাপ হয়ে যায় । তোমাদের মাঝে কোনো বক বা অশুদ্ধ ভোজনকারী যদি বসে তাহলে কতটা খারাপ লাগবে । বাবা বলেন, যারা এদের নিয়ে আসে তাদের উপরও দোষ এসে যায় । দুনিয়ায় এমন সতৃপ্ত অনেক আছে । সেখানে গিয়ে যেন এরা ভক্তি করে । ভক্তি করার জন্য আমি বারণ করি না । ভগবান আসেন পবিত্র বানানোর জন্য , পবিত্র বৈকুণ্ঠের বর্সা বা সম্পত্তি দেওয়ার জন্য । বাবা বলেন, তোমরা কেবল বাবা আর তাঁর বর্সা বা সম্পত্তিকে স্মরণ করো । আর খাওয়া দাওয়ার শুদ্ধতার যুক্তি বলেন । খাবার সম্বন্ধে সাবধান থাকার জন্য অনেক যুক্তি রাখতে পারো । শরীর ভালো নেই বা ডাক্তার বারণ করেছে । আচ্ছা, আপনি যখন বলছেন, আমি ফল খাচ্ছি । নিজেকে বাঁচাবার জন্য এমন বলা কোনো মিথ্যা নয় । বাবা বারণ করেন না । বাবা এমন বাচ্চাদেরই খোঁজ করেন যারা খুব মিষ্টি, কোনো পুরোনো স্বভাব থাকা চলবে না । তোমরা সেবাপরায়ণ, বিশ্বাসী আর বাবার নির্দেশ পালন করো । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) এই মায়াবী দুনিয়ায় প্রতি কথায় দুঃখ তাই এই পুরোনো দুনিয়াতে কোনো আশা রেখো না । যদিও মায়ার তুফান আসে, কিন্তু কখনোই কুলের কলঙ্ক হয়ো না ।

২) খাবার দাবার সম্বন্ধে খুব সাবধান থাকতে হবে, পার্টি ইত্যাদিতে গেলেও অনেক যুক্তি দিয়ে চলতে হবে ।

বরদান :- তপস্যার দ্বারা সর্ব দুর্বলতাকে ভস্ম করে এক নম্বর রাজ্য অধিকারী হও ।

প্রথম জন্মে এক নম্বর আত্মাদের সাথে রাজ্য অধিকার প্রাপ্ত করতে হলে যা যা দুর্বলতা আছে তাকে তপস্যার যোগ অগ্নিতে ভস্ম করো । মন বুদ্ধিকে একাগ্র করা অর্থাৎ একই সংকল্পে থেকে সম্পূর্ণ পাশ হওয়া । যদি মন এবং বুদ্ধি সামান্যতম বিচলিতও হয় তাহলে তাকে দূততার সঙ্গে একাগ্র করো । ব্যর্থ সংকল্পের সমাপ্তিই সম্পূর্ণতাকে সামনে আনবে ।

স্লোগান :- সময়কে না গুণে বাবার বা নিজের সমস্ত গুণের যোগ করে সম্পন্ন হও ।